



Broj: 05-378-6/21
Sarajevo, 03.03.2021. godine

Na osnovu člana 23. stav (1) tačka m) i r) Zakona o Agenciji za bankarstvo Federacije BiH („Službene novine Federacije BiH“, broj: 75/17), člana 16. stav (1) tačka n) i t) Statuta Agencije za bankarstvo Federacije BiH („Službene novine Federacije BiH“, broj: 3/18), čl. 64. stav (1) tačka b) i 70. st. (1) i (3) Zakona o javnim nabavkama („Službeni glasnik BiH“, broj: 39/14) i člana 8. stav (2) tačka d) Pravilnika o uspostavljanju i radu Komisije za nabavke („Službeni glasnik BiH“, broj: 103/14), a na osnovu preporuke Komisije za javne nabavke iz Zapisnika o pregledu i ocjeni ponuda za nabavku usluga čišćenja poslovnih prostorija Agencije za bankarstvo Federacije BiH broj: 05-378-5/21 od 03.03.2021. godine, direktor Agencije za bankarstvo Federacije BiH donosi

ODLUKU

o izboru najpovoljnijeg ponuđača u postupku nabavke usluga

Član 1.

Prihvata se preporuka Komisije za javne nabavke iz Zapisnika o pregledu i ocjeni ponuda za nabavku usluga čišćenja poslovnih prostorija Agencije za bankarstvo Federacije BiH broj: 05-378-5/21 od 03.03.2021. godine (u daljem tekstu: Komisija), na osnovu kojeg se okvirni sporazum za javnu nabavku usluga čišćenja poslovnih prostorija Agencije za bankarstvo Federacije BiH (u daljem tekstu: Agencija) dodjeljuje ponuđaču „EUROSAN“ d.o.o. Mostar.

Član 2.

Ukupna vrijednost okvirnog sporazuma iz člana 1. ove odluke utvrđuje se u iznosu od 67.932,00 KM bez poreza na dodanu vrijednost (PDV), što sa uračunatim PDV-om iznosi 79.480,44 KM.

Član 3.

Po okončanju roka za žalbu, ugovorni organ će sa izabranim ponuđačem zaključiti okvirni sporazum na period od jedne godine, kojim će regulisati međusobna prava i obaveze.

Član 4.

Ova odluka bit će objavljena na službenoj web stranici Agencije, istovremeno sa upućivanjem iste ponuđačima koji su sudjelovali u postupku javne nabavke, u skladu sa odredbama čl. 70. stav (6) i 71. stav (2) Zakona o javnim nabavkama.

Član 5.

Za izvršenje ove odluke zadužuje se i ovlašćuje Sektor zajedničkih funkcija.

Član 6.

Ova odluka stupa na snagu danom donošenja.

D. Gal.

O B R A Z L O Ž E N J E

Odlukom o pokretanju postupka javne nabavke usluga čišćenja broj: 05-378/21 od 03.02.2021. godine odobreno je provođenje postupka javne nabavke predmetnih usluga za potrebe ugovornog organa. Javna nabavka provedena je putem otvorenog postupka, a kao kriterij za izbor najpovoljnije ponude odabrana je najniža cijena tehnički prihvatljive ponude. U skladu sa članom 35. Zakona o javnim nabavkama, Obavještenje o nabavci broj: 3010-1-2-20-3-22/21 objavljeno je na Portalu javnih nabavki (ejn.gov.ba) dana 05.02.2021 godine i u „Službenom glasniku BiH“, broj: 9/21 dana 12.02.2021. godine. Procijenjena vrijednost javne nabavke utvrđena je u ukupnom iznosu od 68.000,00 KM, bez poreza na dodanu vrijednost (PDV).

U skladu s Odlukom ugovornog organa imenovana je Komisija za javne nabavke Rješenjem broj: 05-378-1/21 od 05.02.2021. godine, kojom su definisane njene nadležnosti, koje uključuju poslove otvaranja, pregleda i ocjene ponuda, te davanje preporuke za odabir najpovoljnije ponude.

Slijedom navedenog, Komisija je u okviru svojih nadležnosti i ovlaštenja provela predmetni postupak nabavke, te o tome sačinila Zapisnik o pregledu i ocjeni ponuda u kojem je konstatovano da su po predmetnom postupku nabavke pravovremeno pristigle 3 (tri) ponude. Na osnovu izvršene analize i ocjene pristiglih ponuda u pogledu utvrđivanja njihove prihvatljivosti u odnosu na kvalifikacijske uslove utvrđene u tenderskoj dokumentaciji, Komisija je utvrdila:

- da su ponude ponuđača „EUROSAN“ d.o.o. Mostar i „ECOTIME“ d.o.o. Sarajevo kvalifikovane i prihvatljive, te da su dostavljeni svi traženi dokazi propisani tenderskom dokumentacijom, na propisan način;

- da se ponuda ponuđača „ATALIAN GLOBAL SERVICES BH“ d.o.o. Sarajevo odbacuje na osnovu člana 68. stav (1) i stav (4) tačka i) Zakona o javnim nabavkama, odnosno navedeni ponuđač nije ispunio minimalne uslove za kvalifikaciju navedene u poglavlju III. (Uslovi za kvalifikaciju ponuđača), tačka 3. podtačka c) (Ekonomska i finansijska sposobnost – član 47. Zakona o javnim nabavkama), iz razloga što je ponuđač dostavio bilans uspjeha za period od 01.01.2019. do 31.12.2019. godine, ovjeren od strane Finansijsko/financijsko-informatičke Agencije, poslovna jedinica Sarajevo, ispostava Novo Sarajevo 4, dana 27.02.2020. godine, što nije usklađeno sa zadanim uslovom iz tenderske dokumentacije, kojim je traženo da će se „ocjena uspješnosti poslovanja ponuđača izvršiti na temelju bilansa uspjeha koji su ponuđači dužni dostaviti za posljednju finansijsku godinu (2020).

Nakon odabira prihvatljivih ponuda, kvalifikovani ponuđači „EUROSAN“ d.o.o. Mostar i „ECOTIME“ d.o.o. Sarajevo pozvani su da sudjeluju u e-Aukciji na Portalu javnih nabavki, koju je zakazala Komisija, shodno članu 4. Pravilnika o uslovima i načinu korištenja e-Aukcije („Službeni glasnik BiH“, broj: 66/16). U sljedećoj tabeli daje se rangiranje prihvatljivih ponuda nakon provedene e-Aukcije:

Redni broj	Ponuđači	Ukupna cijena, bez PDV-a
1.	„EUROSAN“ d.o.o. Mostar	67.932,00 KM *
2.	„ECOTIME“ d.o.o. Sarajevo	68.000,00 KM *

*Označava cijenu na koju se primjenjuje preferencijalni tretman

U postupku donošenja ove odluke posebno su cijenjene činjenice da je Komisija, pravilno i potpuno, izvršila ocjenu kvalifikovanosti navedenog ponuđača te pregled i ocjenu ponude, u skladu s kriterijima iz tenderske dokumentacije.

U postupku ocjene provedenog postupka, ocijenjeno je da je Komisija u svemu pravilno postupila te da je izbor najpovoljnijeg ponuđača izvršen u skladu sa Zakonom o javnim nabavkama, podzakonskim aktima i tenderskom dokumentacijom.

Uvidom u priloženu dokumentaciju vidljivo je da je izabrani ponuđač najbolje ocijenjen na osnovu zadanih kvalifikacijskih i cjenovnih uslova nadmetanja, pa je komisija dala preporuke da se istom, saglasno članu 69. stav (1) tačka a) Zakona o javnim nabavkama, dodijeli okvirni sporazum u predmetnom postupku javne nabavke usluga.

Uvažavajući sve navedeno, primjenom člana 25., 64. stav (1) tačka b) i 70. st. (1) i (3) Zakona o javnim nabavkama, te člana 8. stav (2) tačka d) Pravilnika o uspostavljanju i radu Komisije za nabavke, odlučeno je kao u dispozitivu.

POUKA O PRAVNOM LIJEKU:

Protiv ove odluke može se izjaviti žalba ugovornom organu – Agenciji za bankarstvo Federacije BiH, najkasnije u roku od 10 (deset) dana od dana prijema ove odluke, saglasno čl. 97. i 101. Zakona o javnim nabavkama.

Žalba se izjavljuje Uredu za razmatranje žalbi/Kancelariji za razmatranje žalbi – Filijala/Podružnica Mostar, putem ugovornog organa, u pisanoj formi, direktno ili preporučenom poštanskom pošiljkom. Žalba se podnosi u najmanje 3 (tri) primjerka.



DIREKTOR

Jasmin Mahmuzić

Dostaviti:

1. Ponuđačima u postupku
2. a.a.



Zmaja od Bosne 47b,
71000 Sarajevo,
Bosna i Hercegovina



T ++ 387 (33) 72 14 00
F ++ 387 (33) 66 88 11



E agencija@fba.ba
W www.fba.ba

